

# Powšitkowne WOZJEWJENJA

njedźelu, 10. junija 2012

## Wopomnjenje zbóžnoprajenja

Srjedu, 13. junija, budže lěto, zo bu měšnik a martrar Alojs Andricki w Drježdžanach zbóžnoprajeny. Na wopomnjenje tutoho wurjadneho swjedženja budže w Radworju w 19 hodź. Boža mša. Radworska wosada wšitkich wutrobne přeprošuje.

## Chór za putnikowanje dźěci a swójbne popołdnjo

Wšitke dźěci, kotrež maja lóšt a zajim a rady spěwaja, su najwutrobnišo přeprošene, Božu mšu a nyšpor na putnikowanju dźěci srjedu, 25. julija, w Róžeńce a na swójbny popołdnju njedźelu, 8. julija, na Kukowskim hrodzišću jako zhromadny chór wobrubić. Probje na Chróšćanskej farje budžetej sobotu, 30. junija, wot 9.00 do 13.30 hodź. a štwórtk, 19. julija, po dźěćacych kemšach, kotrež su w 16.00 hodź., hač do 19.00 hodź. Zajimcy njech so prošu hač do wutory, 26. junija, pod telefonowym čisłom (03 57 96) 8 87 07 we Worklecach přizjewja.

## Klóšterski a swójbny swjedžen w Marijinej Hwězdze

Abt Wolfgang Wiedermann z cistercienskeje abtownje Zwettl w Awstriskej budže hłowny celebrant Božej mše, njedźelu, 17. junija, w klóštrje Marijinej Hwězdze. Z kemšemi w 10.30 hodź. so lětuši klóšterski a swójbny swjedžen zahaji. Zakónčacy ekumeniski nyšpor w 17.30 hodź. woswjećitaj tachantski farar Wito Sćapan a superintendent Jan Malink, wobaj z Budyšina. Mjez tym wočakuje hosći pisany program.

## Putnikowanje do Krupki

Na pěše putnikowanje do Krupki su młodostni ze wšěch wosadow tež lětsa zaso přeprošeni. Procesion woteńdže njedźelu, 29. julija, z Chróścic a wróci so pjatk, 3. awgusta. Zajimcy měli so najpozdzišo hač do pjatka, 6. julija, w Chróścicach na farje přizjewić, telefonowe čisło (03 57 96) 8 04 00. Zhromadźizna putnikow je njedźelu, 8. julija, po nyšporje na Chróšćanskej farje. Štóž so přeni raz na putnikowanju wobdžěli, njesmě na nej na žadyn pad pobrachować. Boža mša w Krupce budže srjedu, 1. awgusta, w 10 hodź.

## W Radworju pytaja kubłarku

Katolska wosada Marije, kralowny róžowca, w Radworju pyta za swój Katolski serbski dźěćacy dom Alojs Andricki k 1. septembrej 2012 kubłarja abo kubłarku z dźěłowym wobłukom 30 hodžin wob tydžeń. Powołanske wuměnjenje je wotzamknjenje jako statnje připóznaty/a kublar/ka abo socialny/a pedagoga/pedagogowka kaž tež po móžnosći diplom w montessorijowej pedagogice (njeje pak wuměnjenje). Pisomne požadanja njech pósćelu zajimowani na tule adresu: Katolski serbski dźěćacy dom Alojs Andricki, Nawjes 1, 02627 Radwor. Štóž ma prašenja, njech wobroći so na wjednicu Móniku Bukowu, telefonowe čisło (03 59 35) 2 07 17 abo pisomnje přez mailku na [Andritzki.Kinderhaus@t-online.de](mailto:Andritzki.Kinderhaus@t-online.de).

## Ministranća hraja kopańcy

Tradicionalny koparski turněr serbskich ministrantow budže sobotu, 7. julija, w Pěskecach. Započatk je w 9 hodź. z Božej mšu we wjesnej kapałce.

## **Koparski turněr hólčich a holčich młodžinskich mustwow**

Lětuši koparski turněr serbskeje dekanatneje młodžiny budže sobotu, 14. julija, w Pěskecach. Zakop je w 10 hodž. Hraje so ze šěšć pólnymi hrajerjemi a wrotarjom. Mustwa – hólče kaž tež holče – měli so hač do póndzele, 9. julija, w běrowje dekanatneho dušepastyrstwa we Worklecach přizjewić, telefonowe čisło (03 57 96) 9 55 95.

## **Swójbne popołdnjo na Kukowskim hrodzišću**

Dekanatne dušepastyrstwo přeprašuje na swójbne popołdnjo njedzelu, 8. julija, na Kukowske hrodzišće. Nyšpor zahaji so w 14.30 hodž., kotryž šole a džěci ze serbskich wosadow wobrubja. Přizamknu so swačina a wšelake poskitki.

## **Pěši do Częstochowy**

Tež lětsa pozbudža farar Beno Jakubaš, so w serbskej skupinje na putnikowanje z Warszawy do Częstochowy podać. Hić smě kóždy sobu, kotryž je 18. žiwjenske lěto docpěł. Termin putnikowanja je wot 5. do 15. awgusta. Zajimcy njech so přizjewja hač do njedzele, 1. julija, pola fararja Bena Jakubaša w Njebjelčicach, telefonowe čisło (0 35 78) 30 20 05.

## **Swobodne džěłowe městno w Smječkecach**

Dom swjateho Jana w Smječkecach pyta chorobnu sotru respektiwne hladarja chorych abo ku-  
blarku respektiwne pedagogu z wotpowědnej kwalifikaciju za džěło pola duchownje zbrašenych a z nazhonjenjemi w nawjedowanju personala kaž tež w spěchowanju zbrašenych. Wodžaca pozicija ma so hač do 1. septembra wobsadzić. Požadanja přijima nawoda domu Tadej Šiman, telefonowe čisło (03 57 96) 88 61 31.

## **Nyšpory w Róžeńće dale w 17 hodž.**

W Róžeńčanskej swjatnicy budžeja njedzelné nyšpory – kaž w meji – dale w 17 hodž. Wěriwi, kotřiž w Róžeńće nyšpory wopytuja, njech to prošu wobkedźbuj.